



學子目

八

八番四拾二



醫學綱目卷之三十八

小兒部

脾主濕

吐瀉

吐

吐水吐虫

泄

瀉

乳食不化

赤白痢

腹脹附丁

水腫

疳

虛羸

鶴節

宿食

痞

喘露

癰

脾弱多困

渴

大小便秘

黃疸

腹痛

鴛口

口

瘡見心主熱門

口噤

滯頤

撮口

**世**白附丸通治小兒咳嗽有痰感冒發熱吐瀉心神不安

神效

南星二兩

半夏

白附子

白礬略一

右為細末薑汁糊丸如桐子大一二歲兒服八丸用薄荷

湯化下南星半夏用冬藏雪水於六月六日浸起晒乾又浸凡九次左用

吐瀉

醫學綱目卷之三十八



夏秋治裏

小兒初生三日內吐瀉壯熱不思乳食大便乳食不消或白色是傷寒裏下之併和胃下用白餅子和胃用益黃散主之

兒生三日已上至十日吐瀉身溫涼不思乳食大便青白色乳食不消此上實下虛也更有五臟兼見證肺睡露睛喘氣心驚悸飲水脾因倦饒睡肝呵欠煩悶腎不語畏明當先視兒兼臟症先瀉其所實者而補其虛如脾虛益黃散主之此二症多病於秋夏也

五月身熱瀉黃一分補

五月夏至後吐瀉身壯熱者此熱也蓋小兒臟腑十分中九分熱也或因傷熱乳食不消瀉深黃色玉露散主之玉露散一名甘露散

寒水石半兩軟而微青黑中有細紋者 生甘草錢 石膏半兩堅  
墻壁生者不可折者如無以三方解石代  
之堅自似石膏敲之段日皆友者是

六月身溫瀉黃白色六分補四分下

右同為細末每服一字或五分一錢食後溫湯調下藏  
云非腎熱相火木盛者不宜服此

六月大暑後吐瀉身大溫而似熱臟腑中六分熱四分冷也吐嘔乳食不消瀉黃白色似濕或食乳或不食乳食前少服益黃散食後多服玉露散廣親宮五太尉病吐瀉不止米穀不化衆醫用溫藥下日而加喘吐不定錢氏曰當以涼藥治之所以然者謂傷熱在內也用石膏湯三服并服之衆醫皆言吐瀉多而米穀又不化當補脾何以用涼藥王信衆醫皆用補脾丁香散三服錢醫後至曰不可服此三日後必腹滿身熱飲水吐逆三日外果如所言所以然者謂六月熱甚伏入腹中而令引飲熱傷脾胃即大吐瀉也醫又行溫藥使上焦亦熱故喘而引飲三日當其衆師不能治復召錢至見其熱證以白虎湯三服更以白

餅子下之。一日減藥二分。十日三日。又與白虎湯各二服。四日。用石膏湯一服。及旋合麥門冬黃芩腦子。守黃天竺黃茯苓。以硃砂為衣。服五丸。竹葉湯化下。熱退而安。

七月瀉  
身溫涼  
三分下  
七分補

七月立秋後吐瀉。身溫臍中三分熱七分冷。也不能食。乳多似睡。悶亂。噎氣長出。氣睡露睛。唇白多噦。飲大便不渴。食前多服益黃散。食後少服玉露散。廣親宮七太尉七歲病吐瀉。是時七月。其症全不食而昏睡。睡覺而悶亂。噎氣乾嘔。大便或有或無。不渴。衆醫作驚治之。疑睡故也。錢曰。先補脾後退熱。與史君子丸補脾。石膏湯退熱。次日又以水銀硫黃末研和。以生薑水調下。三字。錢曰。凡吐瀉五月內。九分下而一分補。八月內。九分補而一分下。此者是脾虛瀉。醫反治之。至於虛損下之。即死。即當補脾。若以史君子丸恐緩。已又留溫胃益脾藥治之。醫者幸生。曰。何

食而噦。錢曰。脾虛津少。即嘔逆。曰。何瀉。青楊火曰。腸胃至虛冷極。故也。錢治而愈。

八月身  
冷瀉青  
一分下  
九分補

八月秋分後吐瀉。身冷無陽。也不能食。乳乾嘔噦瀉青褐。水當補脾。益黃散主之。不可下也。

下後不  
愈隨証  
用藥

**田**凡小兒盛暑吐瀉。邪熱在下。焦則瀉。在上。焦則吐。亡津必渴。用玉露散。雖吐時時與啜之。過三日必愈。如身熱。脈大小便黃。用五苓。益元各半。熱湯調溫服之。如身涼。脈細小便青。早晨益黃散。午後玉露散。如過四五日。困弱宜異功散。和中丸。開胃丸。

**瀉**如有風而瀉。用防風羌活。謂吐瀉兼肝病。有熱而瀉。用黃連黃芩大黃。謂吐瀉兼心。有寒而瀉。用附子。謂吐瀉兼腎病。身冷或足。有濕而瀉。用白朮茯苓。謂吐瀉兼脾。身重昏倦。有肺病而瀉。用芍藥桂心。定喘麥冬。人參甚者多也。

有熱而瀉。用黃連黃芩大黃。謂吐瀉兼心。有寒而瀉。用附子。謂吐瀉兼腎病。身冷或足。有濕而瀉。用白朮茯苓。謂吐瀉兼脾。身重昏倦。有肺病而瀉。用芍藥桂心。定喘麥冬。人參甚者多也。

檳榔大便不通加大黃謂嗽瀉兼肺更詳看病新舊新則止之久則有腸風之患宜推陳致新法當宣風散導過後用入臟君臣藥謂之宜益黃散

冬春治

傷寒吐瀉身溫乍涼乍熱睡多氣亂大便黃白色嘔吐乳食不消時咳嗽更有五臟兼見症當煎入臟君臣藥先

身溫瀉  
嗽先表  
後瀉

服大青膏後服益黃散如先曾下或無下證慎不可下此乃脾肺受寒不能入脾也潔古云身溫吐瀉咳嗽是風木

枳榔莖莖易下於脾母虛其子亦弱法當煎青薑後服益黃散

身熱瀉  
黃而瀉  
先止瀉  
後表

傷風吐瀉身熱多睡能食乳飲水不止吐痰大便黃水此為胃虛熱瀉吐瀉也當生胃中津液以止其瀉後用發

散藥止瀉多服白朮散發散大青膏主之潔古云吐瀉身

者五苓散主之身熱而嘔者當服白朮散後煎枳榔木香湯下天青膏

身涼瀉  
青不瀉

傷風吐瀉身涼吐沫瀉青白色眩亂不渴噎氣長出氣

先補後表

露睛此傷風荏苒輕性因成吐瀉當補脾後發散補脾益黃散發散大青膏主之此二證多病於春冬也潔古云身

瀉者則知為寒前附子桂枝湯下天青膏

先表不解者利

小兒傷於風冷病吐瀉醫謂脾虛以溫補之不已復以涼藥治之又不能散謂之本傷風醫者亂攻之因脾氣積虛

內不能散外不能解至餘日其証多睡露睛身溫風在脾胃故大便不更而為瀉當去脾胃風風退則利止宣風

散主之後用史子九補其胃亦有諸吐利久不瘥者則脾虛生風而成相驚矣

海吐瀉過多脾胃虛之欲生風候者四君子加白附子減

平生薑煎服

玉露散方見

和中散和胃止吐瀉定煩渴治腹痛

身熱瀉  
黃多瀉  
為熱

和

人參

茯苓

白朮

甘草

乾葛

黃芪

白蘆豆

藿香

右為細末每服三錢水一盞半煎二枚去核生薑五片

煎入分食前溫服海藏云和中散四君子湯加棗法

丹小兒周歲吐乳腹瀉

滑石

白朮

乾葛

陳皮

右為鹿末煎飲之

吐瀉身熱瀉黃多渴錢氏作熱病治在夏秋用玉露散  
益黃散相間服在春冬用白朮散大青膏亦相間服

丹萬安膏

海吐利四肢脹道腦門低陷四君子加藿香丁香為藥

分煎服○錢氏益黃散方見小兒大法條

世和胃丸治吐瀉不正欲生瀉驚

肢冷瀉  
青不渴  
為寒

丁香

白朮

半夏

藿香

蝎尾

右為末薑汁打糊為丸如小豆大三歲兒三十丸薑湯

下

開理中丸治吐利不歇米穀不化手足厥冷方見傷寒

金液丹治吐利日久脾胃虛損手足厥冷精神昏塞多睡

露睛口鼻氣涼欲成慢驚風又治失人陽虛陰盛身冷脈

微自汗吐利小便不禁

船上硫黃

十兩先飛揀去砂石秤為末用砂盒子盛今入分滿水和赤石脂鹽泥固封晒乾

露地先埋一水確盛水滿坐盒子在上又以泥固濟

訖常以三斤火養三日三夜足加頂火一斤煨成冷

取藥右以柳木搥乳鉢研為末每服二錢生薑米飲調下多

服取效大人藥末一兩蒸餅一兩水浸去水饑和丸桐

予大晒乾每服五十九至百九米飲空心下  
陶氏云吐瀉虛極當速生胃氣宜與理中丸併研金液  
丹末煎生薑米飲調灌之惟多服乃效俟胃氣已生手  
足漸熱然猶痰厥即減金液丹一二分增青州白丸字  
一二分同研如上服藥其功散羌活膏温白丸釣藤  
飲子之類仍頻與藥雖至危者往往死中得生此救八  
九沈存中論金液丹見小兒吐利劇氣已絕服之得活  
者數人須多服方驗

錢芫蕒散治吐瀉煩渴腹脹小便少

船上硫黃錢滑石 丁香 芫蕒各坐

右為細末每服一字至半錢米飲調下無時

芫蕒散治虛寒而渴方見 白木散治虛熱而渴方見下

吐瀉身温瀉黃白似瀉錢氏作寒熱雜合病治在夏秋用

玉露散益黃散相間服在冬春用益黃散大青膏相間服

虛

錢異功散温中和氣治吐瀉不思乳食凡小兒虛冷病先  
與數服以正其氣一方加

人參 茯苓 白朮 甘草

陳皮各等

右為細末每服二錢水一盞生薑五片棗二枚同煎海

云此方四君子湯

温中丸治小兒瀉白胃寒故也腹痛腸鳴吐酸水不思飲

食霍亂吐瀉

人參 白朮 甘草各等

右為末薑汁麩糊丸芫蕒大米飲下二三十九丸無時

吐瀉昏睡露睛者胃虛熱吐瀉昏睡不露睛者胃實熱

虛熱 實熱

胃虛熱治法錢氏白朮散和中散是也胃實熱治法錢氏玉露散河間益元散是也

寒痰 半粟散治小兒脾胃虛寒吐瀉等疾及治寒痰

半夏湯浸切 陳粟米陳梗米亦得用三分

右咬咀每服三錢水一大盞半生薑干片同煎至八分食前溫服

四 白附丸方見上册 主濕條 錢氏吐瀉乳不化傷食也宜下之

乳不化 為傷食 飲則消 下之

馮承務子五歲吐瀉壯熱不思飲食錢氏見兒目中黑睛少而白睛多面色眈白此子必多病面色眈白者神怯也黑睛少者腎虛也黑睛屬水本法而虛故多病也縱長成必肌膚不壯不奈寒暑易虛易實脾胃亦怯更不可縱恣酒慾若不保養不過壯年也面上常無精神光澤者如婦人之朱血也今吐利不食壯熱者傷食也又虛怯不可

下下之虛入肺則嗽入心則驚入脾則瀉入腎則益虛俱宜以消積丸磨化之為微有食也如傷甚則可下不下則成癰也若實食在內亦可下也下畢補脾必愈隨其虛實無不效者

丹 小兒吐瀉黃疸

- 三稜 蓬朮 陳皮 青皮
- 神麩 麥芽 黃連 甘草
- 白朮 茯苓

右為細末生薑燈心湯調服傷乳食吐瀉加山查時氣瀉加滑石發熱加薄荷

吐

虛 丹萬安膏調脾順氣定驚脾胃不足吐乳黃疸治小兒一切等疾

水香錢三 沉香錢二 檀香錢三 香附兩一  
 檳榔兩半 白朮兩二 肉蔻兩半 薄荷兩二  
 人參兩半 甘草兩二 辰砂錢三 琥珀兩一  
 真珠 青黛 犀角各一錢半 黃芪兩二  
 麝香分五 史君子兩一 天竺黃兩半  
 右為朱煉蜜丸臨臥服薄荷汁或蜜水吞飲化下  
 世萬安膏治小兒脾胃虛弱腹生疳虫癥瘕食積泄瀉常服消疳去積助胃氣和中疎氣滯  
 人參兩一 木香 沉香 藿香各半  
 厚朴薑製一兩 甘草兩半 陳皮 青皮  
 乾薑 肉桂各一兩 史君子炮十箇 澤瀉冬不用春秋減半  
 右為朱煉蜜丸如茱實大食前米飲化下如熱薄荷湯用半

下方無木香沉香藿香青皮四君子有白朮蒼朮茯苓  
 錢吐沫及痰或白綠水皆胃虛冷吐稠涎及血皆肺熱久則虛吐痰涎冷者溫之  
 寒吐  
 朱泥丹治小兒嘔吐不止

硃砂半錢 沉香錢二 藿香錢三 滑石兩半  
 丁香粒十四  
 右為細末每服半錢用新汲水一盞薑麻油滴成花并抄藥在上須臾墜瀉去水却用別水空心送下  
 定吐紫金核治小兒一切嘔吐不止  
 半夏湯洗七次薑製 人參 白朮 木香  
 丁香 藿香各二錢半  
 右為細末稀麵糊為丸如李核大後用沉香一錢為末

珠砂一錢水飛二味同研勻為衣陰乾每服下丸用小  
棗一枚去核納藥在內濕袋裏燒熟嚼與小兒服後以  
米飲壓之

**錢香銀丸治吐**

丁香 乾葛各一錢 半夏湯浸切 水銀各半

右上一三味同為細末將水銀與藥研勻生薑汁丸如麻  
子大每服下丸至五七丸煎茶銀花湯下無時

**木白朮散治小兒吐嘔脈遲細有寒**

白朮 人參 半夏麩各二錢 茯苓

乾薑 甘草各一錢

右為末每服二錢水一盞薑三片棗一枚煎七分去香

溫服日二三一方無半夏麩  
有木香藿香

**湯小兒寒吐者由乳母驚風取涼解脫致令風冷入乳變**

敗兒若飲之故嘔吐也乳母當食後捏去舊宿敗乳急服  
理中湯次用釀乳法其候是寒清痰夾乳吐出是也凡有  
此候服藥不效胃氣將絕藥不能下當服靈砂丸如大便  
通宜來復丹二藥常用驗

**丹吐乳尋田中蚯蚓屎研如泥食前米飲下五分不過三**

四次妙方聖惠

**錢** 藿香散治脾胃虛有熱面赤嘔吐涎嗽及轉過度者宜  
服

麥門冬去心 半夏麩炒 甘草炙各 藿香一兩

石膏兩

右為末每服五分至一錢水一盞半煎七分食前溫服

**本治小兒嘔吐脈數有熱麥門冬散**

麥門冬 半夏 人參 茯苓各二錢

甘草錢一

右為末每服二錢水一盞薑三片煎至五分去渣溫服  
日二三服

錢氏玉露散方見吐瀉

湯治小兒伏暑嘔吐清膈飲子

香薷

淡竹葉各一

白茯苓

人參

半夏

檀香

甘草各一

白粳米合

右咬咀薑煎溫服大小加減

小兒秋夏伏暑多有熱吐其吐黃涎頭額溫五心熱小便  
或赤而少乃熱吐也或乾嘔而無物宜香薷飲方見中暑

本治小兒疳積黃瘦吐食

世中川烏錢一

定粉錢三

艾灰錢二

龍骨錢二

右為末滴水丸如龍眼核大捏作餅子每服一餅米飲

磨下

錢鐵粉丸治涎盛潮搐吐逆

水銀砂子

硃砂分一

鐵粉

天南星各一分

去皮脂

輕粉分二

右同研水銀星散盡為度薑汁糊丸如粟米大煎生薑

湯下十五丸至二三十九丸無時

雜芳

田氏朱沉煎

紫金核方見上

經治小兒吐不定用五倍子二箇一生日熟甘草一握濕

搥裏炮過同搗為末每服米泔調下半錢匕瘥

錢二氣散治虛實冷熱霍亂吐逆

硫黃

細研半兩

水銀一分

同研與硫

右同研如墨煤色不見星為度每服一字至五分乾薑

水調下不拘時量見大小加減此散浮泛難調先酒少

水以指緩緩研之稍稍增湯調之治大人小兒一切吐逆諸藥不效者服此頃刻如神

**湯** 凡小兒乳哺不宜飽滿飽滿而必溢故嘔吐 生下吐

禁忌 見胎

**針灸** 明吐乳 灸中庭一壯

吐水吐虫

**錢** 面脫白無精光口中氣冷不思食吐水當補脾益黃散

胃冷 主之

**丹** 冬月吐痰多是胃虛寒而重作吐用錢氏白朮散加丁香

香二粒

**錢** 吐水不止者屬心痛胃冷 吐水心痛者虫痛 口中

吐沫水者後必虫痛

泄瀉

**丹** 萬安膏治吐瀉腹痛吐乳 方見

**海** 吐瀉四君子加陳皮厚朴等分同煎 一法加陳皮薑棗

**滑瀉** 臟腑滑泄四君子加訶子五分米飲調下

傷食瀉

**錢** 黃承務子二歲病傷食而瀉衆醫與止之十餘日便青

白乳食不消身涼加硬氣昏睡以謂困篤乃錢先與益

黃散補肺散各三服三日身温而不硬氣後以白餅子微

下之又與益脾散三服利止何以然利本脾虛傷食初不

與下之留連十日上實下虛脾氣弱則引肺亦虛脾肺子

母故也今先補脾則肺病自退即身温不硬氣也然後下

其所傷或曰何不先下後補曰便青為下臟冷若先下必

大虛今先實脾而後下則不虛矣後更與補之乃安 益黃散方

見小兒 大法

**寒瀉** 温中丸治胃寒瀉白腹痛腸鳴 方見

丹瀉青亦是寒宜用蘇合香丸平胃散各等分發湯調服  
田便毒者因驚風內臟脾氣不和治宜白朮湯  
潔凡太瀉引飲者其病不以新久皆宜服白朮散痢病亦

同治

熱瀉 小兒夏月泄瀉用益黃散 瀉黃赤黑皆熱用益元散

黃酒丸之類

瀉 史君子丸治痔瘦泄痢腹脇脹滿方見再門

診 小兒太便青辨飧泄脈小手足寒難已脈小手足溫易

已

乳食不化

胃冷 錢食不消脾胃冷故不能消化當補脾益黃散主之

潔乳食不消初病忽然氣出冷四肢亦冷面白無光靈精

神不定此乃胃氣不和可以大溫藥治史君子丸益黃

散主之 若病泄瀉日久不瘥乳食不化是脾胃有風冷  
先服益黃散二服後用宣風散導之胃宜再補

赤白痢

丹治小兒痢疾

黃連

黃芩

大黃

甘草

右煎服赤痢加紅花桃仁白痢加滑石末

湯治痢之法若欲取積只用官局進食丸甚穩雖取積又

能治痢萬無一失積已下急以四君子湯加荳蔻訶子補

之次服厚腸香連丸得效

丹治小兒赤白痢多體弱不堪下太困重者麻子丁合炒

令香熟為末每服一錢七蜜漿水和服效

痢瀉痢日久不瘥見再門獨瀉黃赤黑者皆熱毒 瀉青白穀不化者胃冷

寒熱雜

錢瀉黃赤黑者皆熱毒

瀉青白穀不化者胃冷

熱痢初

宜下

有積宜

取

體弱不

堪下者

其寒潤

之

白附香連丸治腸胃氣暴傷乳哺冷熱相雜濕痢赤白裏急後重腹痛扭撮晝夜頻併乳食減少

黃連錢各一 木香錢各一 白附尖錢二

右朱飯丸如粟米大每服十九至三十九米飲下食前日夜各四五服

荳蔻香連丸治泄瀉不拘寒熱赤白陰陽不調腹痛腸鳴切痛立效如神

黃連炒三 肉荳蔻錢各一 木香錢各一

右為細末粟米飯丸如米粒大每服十九至三十九日夜各四服食前米飲下

田木香丸治小兒泄瀉青白膿血相雜

黃連吳茱萸同炒去茱萸一兩 肉荳蔻二 木香錢一

右為細末麩糊丸如黍米大赤痢粟米飲下白痢厚朴

湯下空心

錢小香連丸治冷熱腹痛水穀利腸滑

木香錢各一 訶子肉錢各一 黃連兩半

右為細末米飲和丸如菉荳大每服十九至三十九丸食前頻服之

熱痢

海赤痢四君子加赤芍藥當歸入粟米少許同煎

湯治熱痢備急方用井花水調膈茶蜜磨生薑湯則飲之

錢黃栢丸治小兒熱痢下血

黃栢去皮 赤芍藥錢四

右為朱飯和丸如麻子大每服一二十九食前米飲下量兒加減

本治小兒赤痢搗青藍汁二升分四服聖惠方治小兒中蠱下血

姚治小兒尿血苴草五分以水六合煎取二合去渣一歲

兒一日服令盡

海白痢四君子等分加乾薑減半入粟米少許同煎  
雜方廣治小兒久痢淋瀝水穀不消枳實六分搗末以米飲調

丹小兒噤口痢釀乳法  
二錢七二歲兒服一錢

厚朴 枳殼各五  
白朮 芍藥各半  
滑石兩 木通 陳皮 甘草各五

右分四貼細研桃仁七枚水一盞半煎取一盞與母服  
服時去宿乳令盡為妙

黃連例錢氏 加黃柏為一聖丸治  
加榆仁為榆連丸治  
加阿膠茯苓為阿膠丸治  
加訶子木香為小香連丸治  
加木香白附子為

加黃芩大黃為二黃丸治積  
加橘皮為橘連丸  
加豈菴木香為豈菴香連丸治

針灸

白附子香連丸治  
加阿膠當歸乾薑為駐車丸治

田小兒脇下滿瀉痢體重四肢不收痲痺積聚腹痛不嗜  
食痰瘡寒熱 脾腧二穴在背十一推下兩旁  
相去各一寸五分

明秋深冷痢不止 臍下二三寸間動脈中  
刺下赤  
白脫肛 十二椎下節間  
又法翠尾骨上三寸骨陷

間三壯姓如 又法龜尾一壯香端  
等骨也  
腹脹附一

虛寒

潔腹脹虛實 凡久病吐瀉之後虛則其脈微細肺主目  
胞及腮脾主四肢若色淡黃目胞腮虛腫手足冷先服竭

氣丸後服異功散和中丸四君子湯益黃散之類用諸溫  
藥養真氣異功散和中丸方見吐瀉  
四君子湯方見治虛實法  
塌氣丸

胡椒兩 蝎尾兩半

卷之三十一

右為米糊丸如粟米大每服五七丸至三二十九陳米  
飲下無時香一錢

本調中丸治小兒久傷脾胃腹脹

乾薑

橘紅

白木

茯苓

木香

砂仁

官桂

良薑各等分

右細末糊丸如麻子大每服二三十丸食後熟水下

實熱

緊實則脈洪實不因吐瀉久病後亦不因痢下腹脹而喘  
急悶亂更有痰有熱及有宿食不化而腹脹者宜服白餅

子大黃九解毒丸下之兼須詳認大小便如都不通先利

小便後利大便白餅子方見癖○解毒丸方見喉痺○大黃丸方見傷寒

雲小兒熱結於內腹脹壯熱大便赤黃躁悶煩亂者宜瀉

青丸

腹脹由脾胃虛氣攷作也實者悶亂喘滿可下之用紫

實者可下虛者

不可下

霜之白餅子此意未下而喘者為實故可下若誤下而喘  
方見不喘者虛也不可下若誤下之則脾虛氣上附肺而

行肺與脾子母皆虛肺主目胞腮之類脾主四肢母氣虛

甚即目胞腮腫四肢黃色治之用場氣丸漸消之未愈漸

加丸數不可以丁香木香橘皮荳蔻大溫散藥治之何以

然脾虛氣未出故雖腹脹而不喘可以溫散藥治之使上

下分消其氣則愈矣若氣虛已出附肺而行即脾胃內弱

每生虛氣入於四肢面且矣小兒易為虛實脾虛則不受

寒溫服寒則生冷服溫則生熱當識此勿誤也胃久虛熱

多生疽疔或引飲不止脾虛不能勝腎隨肺氣上行於四

肢而目腫若冰狀腎氣漫浮於肺即太喘也此當用場氣

丸病愈後面未紅者虛衰未復故也此下後喘故宜場氣丸若未下而喘宜下

○治腹脹者譬如行兵戰寇於林寇未出林以兵攻之

脹未下而喘為實已下而喘為虛

必可獲寇若出林不可急攻攻則必有失當以意漸收之  
 即順也寇未出林謂虛氣未出而不喘不目胞腫故可  
已出林謂虛氣已出為喘為  
目胞腫須用塌氣丸消之  
 治小兒虛腹脹先服塌氣丸不愈腹中有食積結糞小便  
 黃時微喘脈伏而實時飲水能食者可下之蓋脾初虛而  
 後有積所治宜先補脾然後下之後又補脾即愈也不可  
 補肺恐生虛喘

秦積脹

丹阿魏丸治小兒食積腹如蜘蛛狀肚痛小便白濁

阿魏醋浸一宿研 黃連炒半 花碱研如粉  
 山查肉兩 連翹兩 半夏皂角水浸  
 右為末炒神麩糊丸如荀子大每服二十九空心米飲  
 下喫果子多者加胡黃連米食多者加神麩山查肉食  
 多者加阿魏

又阿魏丸

阿魏兩 黃連酒煮  
 右為末醋浸阿魏一宿研如泥湯浸蒸餅丸如元氣不  
 足加人參

小阿魏丸

山查肉三 石碱錢三 半夏兩  
 右為末阿魏半兩醋浸糊丸白湯下

小兒疳病或腹大

胡黃連二錢去 阿魏一兩半積神麩二錢去  
 黃連二錢去 麝香四粒  
 右為末每服十二粒白木湯下  
 無肥兒丸治小兒病多因缺乳喫食太早所致或因久患  
 臟腑胃虛虫動日漸羸瘦腹大不能行髮堅發熱無精神

黃連 神麩各一 麥芽<sup>炒半</sup> 木香<sup>錢</sup>

檳榔<sup>三箇不</sup> 史君子 肉苳蔻<sup>麩裹煨</sup>

右為末糊為丸如桐子大每服三二十九量兒加減熟

水吞下

六神丸治如前證

丁香 木香 肉苳蔻<sup>用麩裹煨</sup>

訶子<sup>煨去核</sup> 史君子 蘆薈<sup>研各</sup>

右為末以棗肉和丸如麻子大每服五丸至七丸溫米

飲下食前

丁奚者腹大頸小黃瘦是也無辜哺露三候太體相似輕

重立名宜服十全丹

痔瘻異名治法

三稜<sup>炒</sup> 蓬朮<sup>炒</sup> 砂仁<sup>各半</sup> 丁香

木香<sup>絲</sup> 香附<sup>兩</sup>

右為末神麩糊丸如黍米大空心食前米飯下百丸

方去香附砂仁丁香三稜枳殼加五灵脂白蔻史君子

蘆薈蝦蚶川芎

世治小兒腹如蜘蛛四肢瘦者用黑骨雞子破頂入蜘蛛

一枚於內以濕紙糊竅用文武火煨去蜘蛛食其雞子累

效必數枚方愈

垣中滿分消丸

黃連 枳實 厚朴<sup>各五</sup> 乾薑

薑黃 猪苓 砂仁 澤瀉

茯苓<sup>絲</sup> 陳皮 白朮<sup>絲</sup> 半夏

黃芩<sup>一兩</sup> 甘草<sup>分</sup>

右為末蒸餅為丸如黍米，大每服三十九，溫酒送下。  
消痞丸快利之劑。

黃連兩半 枳實 黃芩 甘草  
人參各三錢 厚朴分七 乾薑分四 橘皮錢  
薑黃分五

右末蒸餅為丸如黍米，大每服三十九，隨乳下。  
丹腹脹

蘿蔔子 薤梗 乾葛 陳皮各等分

如食減加白朮煎服。

升陽滋血湯二月間一小兒未滿百日病腹脹不大便  
二日便瘦弱遍身黃色宜升陽氣滋血和血補血利大便  
神麩 厚朴 當歸各一分

桃仁十 升麻

右作一服水一盞煎至半盞去渣食前服。  
麻黃升麻湯治小兒面色痿黃腹脹食不下正月四月小兒服之神效。

麻黃分二 桂枝分一 杏仁 吳茱萸

草薺分二 厚朴 麩末 差活各一分

柴胡根分五 白茯苓 白朮 青皮各五分

升麻根 蒼朮 澤瀉 猪苓

陳皮分一 黃連分五 黃柏分一

右咬咀作一服水一大盞煎七分去渣食前煎服。  
丹寄子年五歲瘦後肚急

白朮錢 陳皮 木通各五分 犀角屑  
川芎 白芷 蘇梗 甘草各二分

右吹咀水煎服

田治腹脹引背飲食多漸羸瘦黃可多脾肺二光七壯  
在十一推下兩傍相去各一寸五分黃疸灸二壯

田小兒腹滿不能食飲懸鐘主之

丁奚即脹治見脹門丹溪條

水腫

田白文舉兒五歲身面皆腫尿多

山梔炒

桑皮炒各一錢

白朮

藎梗各半

右吹咀作二煎水一盞半煎至半盞食前溫服

湯退腫散氣方

赤小豆

陳皮

蘿蔔子

甘草各半兩

木香分七

右為末姜枣煎服大小如減

又方

白朮炒

木香炮

甘草炙

茴香炮

青皮

各半兩巴豆三十粒去皮

右為末米飲調下

又方用錢氏益黃散加水香去丁香加蘿蔔子去訶子為

末大小加減米飲調下

錢腫病腎執傳於膀胱熱盛逆於脾胃脾虛而不能制腎  
水反剋脾土脾隨水行脾主四肢故流走而身面皆腫也  
若加喘者重也何以然腎水勝而剋退脾土反勝心火心  
又勝肺肺為心剋故喘或問曰心刑肺肺本見虛今何喘  
實曰此有二一者肺大喘此五藏逆二者腎水氣上行傍  
侵於肺故令大喘此皆難治

明水氣浮腫 分水三壯

疳

察疳者小兒病癯或久吐瀉醫者妄投轉過之藥小兒易為虛實致令胃虛而三津液內發虛損外消肌肉二歲則諸藏皆弱其病目胞腫脹利色無常漸加瘦瘠久不痊可畏腸胃有風積法當宜風散道之後各依本藏補其母

錢諸疳皆依本藏補其母及與治疳藥冷則木香丸熱則胡黃連丸主之疳在內目腫腹脹利色無常或沫白漸瘦弱此冷證也宜史君子丸  
史君子丸治藏腑滑及疳瘦下痢腹脇脹滿不思乳食常服安虫補胃消疳肥肌

厚朴去麤皮姜汗塗炙半兩

史君子去殼一兩炒裏炮

陳皮去白一分

甘草炙半兩

訶子半兩半生去核

青黛方如只藏府不調不用青黛

右為細末煉蜜和丸如小雞頭大每服一丸米飲化下  
兒生百日已上三歲已下服半丸乳汗化下元方無青黛

垣厚腸丸治小兒失乳以食飼之不能消化或生腹脹四肢瘦弱或利色無常

陳皮分三

麦芽分五

半夏分三

枳殼

蒼朮分三

青皮分二

人參

厚朴分二

麩末分五

右為細末麩糊丸如麻子大每服二十丸溫湯送下忌飽食

本芎朴丸治小兒疳瘦浮白水腹脹

芎藭 厚朴各一 白木兩  
右為細末煉蜜丸如小彈子大每服一丸米飲化下三  
歲已下半丸

聖治小兒無辜疳肚脹或時浮瀉冷熱不調以漏蘆一兩  
杵為散每服以猪肝一兩散子一錢七塩少許水煮熟空  
心頓服

世小兒腹大泄瀉水穀不化喫食不知飢飽累效

神麩炒 麥芽炒 三稜 青皮

香附 山查 厚朴 甘草

藿香 枳實 地黃 砂仁

黃連 惠子各等

右末白湯調下量兒加減

一富家子年十四歲面黃善咳易飢非肉不飽泄瀉

月來求治脈之兩手皆大怪不甚瘦倦以為濕熱當脾困  
而食少今反形健而多食且不渴予意其疾必疳虫作痢  
也取大便視之果蚘虫所為適往他處有一小兒醫在側  
教其用治虫藥治之禁其勿用去積藥約回途當為一看  
診而止痢也偶勿果至次年春夏之交其瀉復作腹不痛  
而口乾予曰此去年治虫而不治疳故也遂以去疳熱之  
藥濃煎白米湯下三日而瀉止半月後偶過其家見其子  
甚瘦予教以白米為君芎藭藥為臣川芎陳皮黃連胡黃連  
入小蘆薈為丸白木湯服之半月而止禁其勿食肉與甜  
物三年當自愈

大蘆薈丸治疳殺虫和胃止瀉

胡黃連 黃連 白蕪荑用 蘆薈

木香 青皮 雷丸 破開白者佳 赤者勿用

鶴虱微炒各五錢麝香另研一錢  
右為細末粟米飲和九如菖菴大米飲下二十九不拘時

胡黃連麝香丸治疳氣羸瘦出白虫

胡黃連 白燕蕒仁各一兩半 黃連

木香各半兩 辰砂另研一分 麝香另研一錢

右為細末麩糊丸如菖菴大米飲下五七九至十九三五歲已上者十五九至二十九服無時

榆仁丸治疳熱瘦悴有虫久服充肥

榆仁去皮 黃連去鬚各一兩

右為細末用猪膽七箇破開取汁與二藥同和入碗內甑上蒸九分每日一次候日數足研麝香五分蒸餅湯浸一宿同和成劑丸如菖菴大每服五七九至二十九

九米飲下無時

右四方治瀉而多食為虫疳也

錢木香丸治時時下利唇口青白如聖丸治冷熱疳瀉

瀉而少食為冷疳

二方並見本條

沒石子丸治洩瀉白濁及疳利滑腸門痛

木香 黃連各一分 沒石子一枚 苴蕪仁二箇

訶子肉三箇

右為細末飯和丸如麻子大米飲下十五九量兒加減食前服

食前服

湯休息痢及疳瀉痢遷延日月百藥俱試飲食不妨便痢不止用雞子一枚打破鎔黃蠟一塊如指大以雞子和炒空心喫盡百發百效無不獲安

本小兒疳痢垂死者取益母草炙食之取足瘥止甚佳

右治瀉而少食為冷疳也

獨脹不瀉治法見脹門

疳在外鼻爛

疳在外鼻下鼻爛自揉鼻頭上看瘡不着痂漸透耳生

世走馬牙疳神效乾薑白礬末子燒焦存性為末傅患處

田鼻疳治法先用甘草白礬湯洗淨後糝麝香黃連黃柏末日三傅一方用米泔洗黃連末傅日三四次亦佳

世紅鉛散治走馬疳綠礬心以多少色鮮明者入乾鍋用炭火燒鍋赤傾出以好酒酒拌勻再入鍋如此數遍色紅研作細末入麝香少許先以溫漿水洗嗽淨用指蘸藥有疳處貼之

羅乳香丸治走馬牙疳如神

乳香 輕粉 砒研各五分 麝香

右先將乳香研細入輕粉麝共再研勻用薄紙一菲葉潤去藥內按過搵紙少許丸如黃米大臨臥將藥填在患處至明則愈忌食醬醋鹽等物

錢蘭香散治鼻瘡爛

蘭香葉 燒灰 銅青 輕粉 各五分

右末令勻看瘡本小乾貼之

龍骨散治口疳走馬疳

砒霜 粉霜 龍骨 定粉 各錢半

龍腦 蟾酥 各錢半

右先研砒粉極細次入龍骨等研次入定粉等同研每用少許傅之

經治小兒走馬疳蝕透損骨及小小攻蝕必效方天南星一箇當心作坑子安雄黃一塊在內用麪裹燒候雄黃作

汗以麥子合定出火毒去麩研為末入麝香少許拂瘡

錢白粉散治諸瘡

烏賊魚骨末七

白芨末七 輕粉七

右末先用清漿水洗拭過貼之

山小兒牙疳用茴香桔梗燒灰存性傳之如乾油調傳

鼻五福化毒丹治鼻清膈涼血

玄參

桔梗 去蘆各一兩 赤茯苓

人參

牙硝

青黛

甘草各一分

麝香五分

一方有龍腦五分

右除麝香牙硝另研一處為末次和青黛等煉蜜丸如

茨實大金銀箔為衣薄苛湯化下瘡疹餘毒磨生犀角

水下上在熱壅口齒鮮血宜露鼻氣用生地黄汁化下

食後

寒熱

錢大抵疔病當辨冷熱肥瘦其初病者為肥熱疔久病者為瘦冷疔是也冷者木香丸熱者黃連丸主之冷熱之疔尤宜服如聖丸

胡黃連丸

胡黃連

黃連各半

硃砂一分

右上一二物為細末研入硃砂末都填入猪膽內用淡漿

於砂鈔子內懸胎煮一飯時久取出研入蘆薈麝香各

一分飯丸如麻子大每服五七丸至二十九米飲下

食後 一方加蝦蟇半兩不燒

水香丸

木香

青黛

檳榔

肉蔻 去皮各一分

麝香

錢另研一分

續隨子

半兩炒蝦蟆

三箇先用繩繫

右末蜜丸如菘菹大每服三五丸至二十九薄苛湯

下食前

如聖丸治冷熱疳瀉

胡黃連 川黃連

白蕪荑 去皮炒各三兩

木香 史君子 去殼麝香 另研

乾蝦蟆 五箇酒浸

右前藥為末與膏丸如麻子大每服人參湯下二三歲

五七九已上十九至十五九無時

湯小兒冷疳多渴好臥冷地煩躁啼叫飲食不進漸成羸

瘦其候難明有若熱證但大便滑泄百藥不效是也因冬

子百藥俱試而無偶中者竟與錢氏木香丸不效服而愈

自後凡有此證無不獲驗

肝疳 錢氏肝疳白膜遮睛

湯氏肝疳眼白青兩眼睛痒

筋疳錢氏筋疳瀉血而瘦並當補肝地黃丸主之 方見勞瘵即六味地黃丸

敬羅麝香丸治小兒一切驚疳等病

草龍膽

胡黃連 各半 木香

蟬蛻 去頭足 洗淨各

一錢

瓜蒂

龍腦

麝香

牛黃 各一錢 並 各自研

右猪膽為丸如桐子及菘菹大驚疳或秘或瀉清米飲

送下小兒五七粒至一二十粒眼疳猪肝湯下疳渴爛

猪湯下猪肉湯下亦得驚風發搐眼上竅薄苛湯下

九更水研一丸滴鼻中牙疳瘡口瘡研貼疳痛苦練根

湯或白蕪荑湯送下百日內小兒大小便不通水研封

疳中有虫候乾漆麝香各少許并入生油一兩點溫水

化下一大丸慢驚分服

本睡驚丸治小兒一切驚疳食積風癩之證

史君子 五十

香墨 一大塊

金銀箔 各七 膩粉 二錢

右先將史君子存性同墨研細次入金銀箔乳鉢內研  
次入膩粉并麝香少許研令極細稀糊如桐子大陰  
乾每服一丸薄苛湯磨下丁歲已下半丸一名青金丹  
極效

心疳

田氏涼驚丸治小兒驚熱疳瘦乳癖方見  
錢氏心疳面黃頰赤身壯熱當補心安神左主之方見治  
湯氏心疳口内生瘡

田氏安神丸治心虛疳熱面黃頰赤壯熱驚啼神志恍惚  
不寧方見治  
虛實法

湯驚甲散治疳勞骨蒸

驚甲丸助者湯浸  
用童便塗灸  
生熟地 地骨皮 當歸  
右咬咀每服二錢水半盞煎服

黃芪蜜 白芍藥各一  
人參去蘆各

猪肚丸治骨蒸疳勞肌體黃瘦

木香半 黃連 生地 青皮  
銀柴胡去蘆 驚甲丸助者湯浸用童  
便塗灸各一兩  
右為末猪肚一枚入藥於內以線纏之於沙礮內懸胎  
煮熟取出細研猪肚為丸如麻子大米飲送下木小加  
減不拘時服

無龍膽丸治疳病發熱

龍膽 黃連 史君子肉 青皮各等  
右為末猪膽汁和丸如桐子大每服三十粒量兒加減  
臨臥熱水下  
右四方治疳熱安神丸甘寒補心驚胃散甘溫補脾後  
二方皆寒瀉腫瀉濕熱也  
世烏犀丸治小兒疳熱腹内生虫肚大手足疲弱丁奚疳

羸此方治疳  
熱如神

黑牽牛二兩

史君子七錢

青皮二兩

雷丸二錢

苦練皮

半兩一方不用練皮用蘆二錢半

鶴虱五錢

右同入鍋內炒焦為末麪糊丸如黍米大三歲見二十  
九米飲下食前烏犀丸食後黃龍丸

二丁丸治乳癖食癖疳熱如神方見  
癖條

湯疳熱當服進食丸磨積仍悶服化虫丸後服驚風散退

熱次服肥兒丸進食丸方見癖  
驚風散方見前

治疳熱化虫丸

白蕪荑

黃連

神麩

麥芽各炒  
等分

右末糊丸如黍米大空心米飲下猪膽汁尤佳

肥兒丸方見前

右疳熱當以積熱門參用如熱有作止者與潮熱門參

脾胃

用可也

脾胃面黃腹大食泥土當補脾益黃散主之方見治  
虛實法

湯脾疳食不消胃疳多吐

大胡黃連丸治一切驚疳腹脹虫動好喫泥土生米不  
思飲食多睡吼哇臟腑或瀉或秘肌膚黃瘦毛焦髮黃飲

水五心煩熱能殺虫進飲食兼治瘡癰常服不瀉痢如玩  
聲嘔下

秋初

三錢

青黛

胡黃連

黃連

另研一

蘆會

苦練子

白蕪荑

錢半

乾蟾頭

各一

去扇

右先將前四味為細末猪膽汁和為劑每一丸如胡桃  
大入巴豆仁一枚置其中用油裹紙一重裹之同米一  
升許蒸米熟為度入後四味為丸少入麪糊丸如麻子

大與十九或十五在清米飲下食後臨臥日三服

大蕪蕪湯又名梔子決苓湯治黃疸土色為濕熱當小便不利今反利者知黃色脫落及濕熱之虛鼻下

斷作瘡者氣逆行管能乳者胃中有熱故也喜食土者胃氣不足面色

黑者為癩大便青蠟褐色血黑色脾瀆間黃色有熱治法

當滋營潤燥內除寒熱外致津液

山梔分三 黃栢分二 甘草各分 大蕪蕪分五

黃連分二 麻黃分二 羌活分二 柴胡各分三

防風分一 白朮分五 茯苓分三 當歸分四

右件判如麻苴大作一服水一盞半煎至一盞去其稍

熱服食前

右三方治疳黃食土前一方寒多者宜服後一方熱多

者宜之

疳黃食積

白朮

黃連

苦參

山查各等分

右用糊丸如麻子大食後白朮湯下十五丸

小兒疳黃雞彈劍小竅入巴豆淨一粒紙糊孔煨熟

去巴豆食之隔日再喫一二箇

小兒喫泥石膏黃芩陳皮茯苓甘草白朮散煎服

治小兒喫泥及嘔吐膩粉分用沙糖搜丸如麻子大

空心米飲下九瀉出土瘡腹如掌切脹也

初病疳津液少者當生胃之津液白朮散去之唯多則

妙

龍粉丸治疳渴

草龍膽

定粉微炒

烏梅肉焙

黃連各一分

右為細末煉蜜丸如麻子大米飲下二十九無時

湯三稜散治小兒尿白濁久則成疳宜疎脾土消食化滯

三稜 蓬朮各一錢 益智仁 甘草略一

神麩炒 麥芽炒 橘紅略半

右為末白湯調下

世黃龍丸治疳食化積磨積

三稜 蓬朮各三錢 青皮 陳皮略半

山查 乾薑各七錢半 檳榔兩

右晒乾為末糊丸黍米大三歲兒每二十丸食後薑湯

下食前烏犀丸相間服此治小兒疳積等證無不效者

烏犀丸方

見海熱條 膽礬丸治疳消癖進食止瀉和胃追虫

綠礬真者為鹿末一錢 好醋升

大棗四十箇

已上四物同熬令速爛候和後藥

史君子去殼 枳實炒三兩 黃連 訶子去核各

巴豆二十七箇

已上五味同炒黑約三分乾入後藥

夜明砂 蝦蟇燒存性 苦練根皮正

已上三味再入炒候乾同前四物杵羅為末同前膏和

入白中炸干下如末成旋入熟棗肉亦不可多恐服之

難化太乾即入溫水亦可丸如棗豆大每服二二十九丸

米飲溫水下不拘時

丹肥兒丸治小兒疳積

蘆薈研 胡黃連各二錢 神麩四錢 黃連

白朮 山查炒各半兩 蕪荑炒二錢半

右為末將蘆薈末拌勻猪膽汁丸如粟米大每服六十

丸食前白湯下

本蘆薈丸治小兒疳積秘方

蘆薈

荆芥

黑丑

青皮各等分

右治炮為末麩糊丸如粟米大二歲見已下一丸或二丸亦不妨量大小加減

肺疳

錢肺疳氣喘口鼻生瘡當補脾肺益黃散主之方見治虛實法

腎疳

腎疳極瘦身有瘡疥當補腎地黃丸主之方見勞瘵即大味地黃丸

湯腎疳齒爪黑

右腎疳羸瘦瘡疥治法當與虛羸同相參用之

骨疳

錢骨疳喜臥冷地

湯木香丸治渴好臥冷地

雜方

四五疳保童丸治小兒乳食不擇冷熱好食肥膩恣食其

醜臟腑不和生疳

青黛

苦練根皮

夜明砂

五倍子

蘆薈

黃連

龍膽草

白蕪荑

乾蟾各一分

麝香少

蠟腿去嘴瓜一分

猪膽大者五分

藥焙

右件粟米煮糊為丸如麻子大一歲見三九不拍時米

飲下日三服忌猪肉

腦疳

聖治小兒腦疳鼻痒毛髮作穗面黃羸瘦益腦用鯽魚膽

滴於鼻中連滴三五日效

湯小兒腦疳者是胎熱所為但頭皮光急頭髮作穗或有

頭瘡腫至額額腫則多損眼此疾因兒在胎中母臨月房

事不已而成項軟倒肥而不瘦天柱骨

附子生去皮脂

南星

右朱生薑自然汁調攤貼患處次服防風丸并瀉青丸

痘項軟

四小兒久患痘疾體虛久不進飲食患久諸候退只是天柱骨無力醫者不識謂之五軟用白礬去毒者去絲炒為末每服五分或一錢薄荷酒調下日三更須貼藥貼藥生筋散

木鱉子三箇 草麻子三十粒  
右各取肉同研用三錢津調先烘上令熱貼之  
右疳五軟蓋痿屬也不若用地黃丸及黃柏龜板之類為愈

無辜疳

四小兒無辜疳者其候面黃髮直時時壯熱飲食不生肌膚積經日月遂致死者謂之無辜疳也言天有鳥名曰無辜晝伏夜游洗浣衣褥蠶之經宿或遇此鳥飛從上過將衣褥與小兒穿臥便令兒有此疾如禽獸生下有禁至若不速去當損其命又腦後有核初生軟而不覺痛其中有

五如米粉得熱氣漸長則筋結定虫隨氣血流散所以停留于母相生侵蝕臟腑肌肉作瘡或大便泄膿血致使小兒漸漸黃瘦頭大髮豎手足細弱生十一件無辜疾在  
天吊 胡孫瘰 鴛口 木舌 懸壺 重齶 着瘰  
臍風 撮口 重舌 乳淵 龜胸  
驚甲散

驚甲醋炙 檳榔三箇 沉香九 漏蘆  
甘草炙 牛蒡子炒 史君子 赤芍藥  
訶子炮去核 各半兩

針灸  
診  
明多疳者 顯會 瘡蝕斷斷其穢衝入 勞官  
疳皆脾胃病亡津液之所作也因大病或吐瀉後醫又以藥吐下致脾胃虛弱亡失津液且小兒病疳皆愚醫之

所壞病假如潮熱是一臟虛一臟實而內發虛熱也法當  
補母而瀉本臟則愈假令日中發潮熱是心虛熱也肝為  
心母法宜先補肝母肝實而後瀉心心得母氣則內平而  
潮熱自愈醫見潮熱妄謂其實乃以大黃牙硝輩諸冷藥  
利之利既多而不能禁則津液內亡漸成瘕也又如瘕病  
發作寒熱飲水腸下有形硬痛法當用藥潮瀉磨之醫反  
以巴豆礪砂輩駛藥下之小兒易虛易實下之既過胃中  
津液耗損漸成瘕瘦又有病傷寒五六日間有下證以冷  
藥下之太過致脾胃虛而津液少即便引飲不止而生熱  
也熱氣內耗肌肉外消他邪相爭証變諸端亦成瘕病又  
有吐瀉久病或醫妄下之其虛益甚津液煩燥亦能成瘕  
也

喘而嗽與潮熱相類若不早治必成勞瘵以其有瘕瘵則  
令兒不食致脾胃虛而發熱故引飲也飲多即瀉瘵脾胃  
亡失津液不能傳化水穀其脈沉細益不能飲食致脾胃  
虛衰四肢不舉諸邪遂生羸瘦而成瘕矣

肥瘕即脾瘕也身瘦虛黃乾而有瘡疥其候不一種種異  
端今畧舉言之月濇或生白膜唇赤身乾黃或黑喜臥冷  
地或食泥土身有瘡疥瀉青白黃沫水荊色變易腹滿身  
耳鼻皆有瘡髮鬚作穗頭大項細極瘦飲水皆其證也

不瘕症  
心瘕者苦要驚啼常只喫水少食辛味耳邊有青脈舌  
上有焦點者不治○肝瘕者目帶青左脇下硬多吐沫眼  
頭黑者不治 脾瘕者肚大青筋唇白無血色人中平下  
痢不止者不治 肺瘕者咳逆氣急瀉白水身上黑斑者  
不治 腎瘕者要喫鹹醋喫水不在小便如粉汁齒黑有

瘡骨出耳乾腦焦不治

虛羸

錢虛羸脾胃不和不能食乳致肌瘦亦因大病或吐瀉後脾胃尚弱不能傳化穀氣有冷者時時下痢唇白青白有熱者身壯熱肌肉微黃此冷熱虛羸也冷者木香丸主之夏月不可服如有證則少服之熱者胡黃連丸冬月不可服如有證則少服之虛羸與疳同治也○木香丸胡黃連丸方並見海條

湯小兒疳積其狀漸黃瘦拍背如鼓鳴脊骨如錫乃積而生熱成疳也宜服蘆薈丸露星膏

蘆薈丸

龍膽草

黃連

蕪荑去皮先炒黃色次入煎二味一處炒赤色

各一兩

右為末另入蘆薈一分和勻爛飯丸如黍米大三歲兒

服三十九空心米飲送下

露星膏

黃芪蜜水

胡黃連

地骨皮

柴胡各等分

右為末煉蜜丸如茱實大隔宿酒浸露一宿次日澄去酒薄昔湯浸服之

錢橘連丸治疳積久服消食和氣長肌肉

橘皮兩

黃連米泔浸一兩半

右為細末另研入麝香五分用猪膽七箇分藥入膽內漿水煮候臨熟以針微刺破以熟為度煮粟米粥和丸如菉豆大每服十九至三十九米飲下量兒加減無

時海葢云黃連苦燥可

二聖丸治小兒臟腑或好或瀉久不愈羸瘦宜常服

黃連去粗皮

黃柏去粗皮

右為細末，三指騰內重湯煮熟，丸如菉葢大，每服二三十九丸，米飲下，量寬加減，頻服無妨。

虛

小兒疳病，肌羸血氣不足，同大人勞瘵之疾，治之。右以潔古此言論之，不拘冷熱虛羸，皆用四君子、地黃丸，與前藥相兼服，為得也。

雜方

聖方：又方治小兒尸疰勞瘵，或時寒熱，方用鰲頭一枚，燒灰杵末，新汲水下五分，立可。

身灸

明：羸瘦不生肌膚，胃脘壯。小兒疳瘦於胸下骨末上灸三壯，次於脊下端尾翠骨末上灸三壯。

小兒疳瘦，脫肛體瘦，渴飲形容瘦悴，諸方不瘥者，取尾翠骨末上灸三壯。

小兒身羸瘦，腹脹四肢懈惰，骨節不舉，章門二穴各灸七壯。

診

世母氣不足，則羸瘦肉極。

鶴節即虛羸之異名也

虛

湯：小兒鶴節由真氣不足，血氣不榮，肌肉瘦瘠，則骨節皆露如鶴之足，皆腎虛不生骨髓之故。治法宜錢氏地黃丸，加鹿茸、牛膝。

宿食

脾

湯：消食丸治宿食不消，又名消乳丸。

砂仁

麥芽炒各半兩 香附炒兩 右末，麴糊丸，如麻子大，食後白湯送下，大小加減。

七聖丸

三稜

蓬木

川棘

青皮

陳皮

芫花

杏仁

右件等分先用醋浸芫花一宿炒漸乾次入蓬稜同炒赤色又入陳練等再同炒一處令微焦取出為末前藥如各半兩杏仁亦用半兩湯浸去皮尖雙仁不用細研入巴豆二十粒去油和勻醋糊丸如黍米大二歲兒常服二丸臨臥溫熱湯送下使日間所食之物一夜而化永無疳疾能使黃瘦子頓作化生兒今之小兒可去巴豆只入杏仁名七聖丸是也

痞

虛

枳朮丸

方見內傷飲食

○飲食不進四君子加薑棗煎○枳實

實

理中丸

方見傷寒

○痞痞者塞也其病腹內氣結脹滿肚熱是也當疎利大便

破結散氣常服進食丸

甘遂散治小兒痞結難服湯藥暫利而滯實不去心下堅脹按之輒啼內有伏熱燥

甘遂煨赤

青皮

黃芩

大黃炒各兩

右咬咀煎去香服量大小加減以利則止用之無不效  
湯戶部張侍郎小娘子患此蘊積結聚已經年矣其候腹滿壯熱大小便閉不食諸醫皆作虛熱潮熱或作胃寒不食治然既不食大小便自然少又欲作泄熱治百藥俱試而無一中勢已窘迫摺予視之問曰合服何藥答曰常服甘遂太黃張鷟曰前諸醫者皆用補劑此女不進食矣不宜剋動腸胃予答曰信我者生逆我者死張曰更有無甘遂而次於此藥方者否予令即服大承氣湯二服而愈次日診尚有餘帶積實其症必過數日而腹閉須服前藥始可除根數日後果再閉腹滿痞結再投此藥一

服而痊

診 小兒急欲乳不能食由客風熱入兒臍流入心肺經即  
舌厚唇燥口不能吮乳當涼心脾

哺露

虛 哺露者因乳哺不消脾胃衰弱漸不能食血氣減損肌  
肉不榮柴骨露露吸吸苦熱謂之哺露也宜麝香進食丸  
本方見

癖

診 湯 小兒積症面黃腫 肚脹 面合臥地 小便  
如油 多嘔 眼睛黃 腹內虛鳴 多睡

眼白黃 赤白痢下 髮黃 眼赤 多瀉

虛實 凡有積滯須辨虛實凡孩兒虛瘦長短黑白南北古今不  
同不可一藥論也予今之法實者可服進食丸虛而微曰

及疳瘦者宜服肥兒丸 肥兒丸方見疳門心疳條為丸  
小兒腹中有癖不食但飲乳是也當漸用白餅子送下  
白餅子

滑石 輕粉 半夏 湯洗 焙乾 南星 各一錢

巴菝 二十四箇去皮腹水 二十升煮水盡為度

右研勻巴菝後入衆藥以糯米飯為丸如小菝菝大粗  
作餅子兒三歲已上三五餅四歲已下十二餅葱白湯  
下臨臥服

局 進食丸治乳食不化心胸脹滿疳積肚疼

木香 炮 枳殼 去白 當歸 伐豬石

硃砂 另研 三錢 巴菝 去油 膜 麝香 另研 一錢 五分

右為細末麪糊為丸如黍米大二歲二丸量兒大小加  
減米飲送下

雙聖丸治小兒身熱頭痛飲食不消心腹脹疼痛大小  
便不利或下重數起未獲可再服

巴荳六十箇去皮 甘遂

錢五心腹研去油 甘草一 硃砂一錢 麥門冬三

糞核取半另研 枳實一 牡蠣二

右麥門冬甘草甘遂牡蠣四味為細末入巴荳硃砂糞  
仁合和搗二千杵更入少蜜搗和極熟旋丸兒半歲服  
如蘇子大兒一歲服如麻子大分為二丸兒二歲服如  
麻子大二丸兒三四歲服如麻子大五五六歲服如  
麻子大三丸兒七八歲服小荳大二丸兒十歲微大如  
小荳大三丸以雞鳴時分服之如至日出不出者熱粥  
飲數合投之即下丸藥皆雙出也若利甚濃煎冷粥數  
合與之即止

食滯 珠珀丸治小兒一切積聚驚涎宿食乳癖大小便澀滯  
療腹脹行滯氣

巴豆仁十四箇水浸 木香 白丁香  
丁香各五分 滑石二錢 輕粉五分留少

右為末研勻濕紙裏燒粟米飯為丸如麻子大二歲兒  
一丸八九歲至十五歲服八丸至十歲前湯放冷下如挾  
風熱難動者先服涼藥一貼乳癖者臨臥服數丸  
本消積丸治小兒食積氣濕氣面黃白多腫大便黃赤酸  
臭

砂仁十二 丁香九 烏梅肉三 巴豆去油  
右細末糊丸如粟米大二歲已上五六九已下二三九  
用溫水下無時服大九小兒身溫壯熱非變蒸之候不  
便白而酸臭為胃有積宜此藥消下後服溫胃藥若

身温壯熱大便赤而酸臭為胃有積熱宜此藥下後服  
涼胃藥無不愈一方有史君子七枚

**乳癖丹**丁香化癖散治乳癖  
白丁香 蜜陀僧 硫黃已上各 礞砂五分

輕粉許  
右研細末每丁歲兒服五分男病女乳調女病男乳調  
出下黑糞為度後用通膈丸泄之

**世**二丁丸治小兒乳癖  
白丁香兩 丁香 蜜陀僧各一 韶粉錢一

硫黃錢三  
右細末糊丸如小葦大三歲兒十九日哺時米飲下飲  
乳者乳汁下次日當取下惡物熱即隨退加黃鶯屎下  
錢丸妙

**錢紫霜丸**

代赭石細研水 杏仁二十一箇 去皮尖 巴豆二十一粒 去皮膜

右為細末飯丸如粟米大每服三五丸至十丸白煮下  
湯下無時海藏云五色如棗並見治法

**湯**驚癖須用礞石藥方可治之  
右七方治癖皆峻劑若稍涉虛者必用四君子及益黃  
散之類兼服之

**秘錄**治小兒氣癖取三稜針作葉形以米麩為之與乳母  
食每且取一匙天與兒喫亦得作粥與美熱食之治小兒

十歲已下及新生百日無間癩熱無辜疹癖等皆理之妙  
不可言者

針灸  
**回**小兒癩氣久不瘥灸中脘丁穴章門二穴各七壯章

門在大橫外直膈季脇肋端側臥曲上足伸下足舉取  
之。中腕在上腕下一寸膈上四寸居心蔽骨與膈之中  
從髀下取病人四指定穴併灸膈後脊骨中二十七壯無  
不驗

脾弱多困

畏

脾弱不和四君子加白朮一俵薑薑煎 脾困四君子  
加木香砂仁人參各半錢煎 脾胃虛弱生氣多困四君  
子加炒半夏麴沒石子等分爲末入冬瓜子少許同煎  
本治脾風多困用人參散入慢驚散用

人參

冬瓜仁 各半 南星 切片用漿水薑  
汁煮存性一兩

右爲細末每錢水半盞煎二三分溫服

渴

實 渴有三種 一者乘熱積於心脾煩燥大渴引飲宜白

湯謂不因吐瀉未病忽然而作

虛

二者因久病或取轉過度致脾虛引飲宜白朮散方見  
海藏云治發渴四君子加乾葛枇杷葉先以水湯煮各等  
分入木瓜少許同煎服亦治虛渴法也

分入木瓜少許同煎服亦治虛渴法也

濕

三者因患濕熱病熱結膀胱小便不利大渴引飲有表裏  
症者宜五苓散主之

大小便不通

難

無小兒初生大小便不通腹脹欲絕者急令婦人以溫水  
先嗽口了吸吮兒前後心并臍下手足心共七處每三處  
丸三五次嗽口吸吮取赤紅濕度須更自通不爾無生意  
有此證者遇此方可得再生矣

回生下不大便治法先以硬蔥針紙入肛門如大便不下  
後用牛黃散送硃砂丸一時自見

握宜丸治小兒便難燥結或服瀉藥腹脹悶亂命在頃刻  
可用此丸不移時大小便自利

巴豆一錢

硫黃

良薑

附子

檳榔

甘遂各等

右為細末粟米飯和丸如菽豆大用椒湯洗小兒男左  
女右手握之用綿裹定看行數多少置藥洗去不用即  
止

郁李仁凡治癰瘰小兒大小便不通并驚熱痰實欲得  
澹動者

大黃

一兩酒浸半日  
炒乾為細末

郁李仁去皮研

滑石細研

右先將郁李仁研成膏和大黃滑石丸如黍米大二歲  
兒服三二丸量大小與之或乳汁或薄荷湯下食前

黃疽

陽黃

陽黃則大小便赤澀身熱是脾土與心火相搏為陽病  
法當先利小便後下大便

凡治黃病腹脹當用茵陳蒿湯調下五苓散若欲利小便  
去大黃欲利大便則加大黃之類有陽證可服謂面赤飲  
水者是也茵陳湯五苓散  
方俱見傷寒

身疼腫背強大小便澀皮膚面目齒木皆黃小便如屎  
塵色利者易治澀者難治宜服五苓散加茵陳煎湯調又  
宜服道赤散加茵陳煎或身熱宜服小柴胡湯甚者服承  
氣湯

小兒身體蒸熱胸膈煩滿皮膚如青橘之黃白睛亦然  
濕熱所致也宜加減瀉黃散主之此藥能退脾土復腎水  
降心火

黃連

茵陳各五

黃柏

黃芩各四

梔子

茯苓

澤瀉各三

右吹咀都作一服水一大盞煎至六分去滓稍熱服食前

陰黃

陰黃則清便自調面目及身黃四肢冷是脾虛不能制

腎水當用益黃散下史君子丸益黃散方見治法

淡黃白者胃不和也平胃散調中丸渴者人參白朮散胃

散方見泄瀉調中丸方見腹瀉○月裏生黃見胎

針灸

明飲水不渴面黃 陽剛穴壯

診

黃相似 身皮目皆黃者黃病也身痛體背強大小便

澀一身盡黃面目指爪皆黃小便如屋塵色着物皆黃渴

者難治此黃疸也此一證多發於大病後又有二證不因

病後身微黃者胃熱也大人亦同又有面黃腹大食土渴

者脾痺也又有自生而身黃者胎疸也又書云諸疸皆熱色深黃者是也若淡黃兼白者胃怯不和也

梔子栝皮湯 治傷寒身黃發熱

梔子八枚

黃栝兩

甘草炙半

右水煎去渣溫服

犀角散 治小兒黃疸一身盡黃

犀角兩

茵陳

乾葛

升麻

龍膽草

生地各半

寒木石七錢

右吹咀白水煎服方治小兒忽發黃面自皮肉盡乾

黃以乾葛汁和蜜調服袖珍方無乾葛用瓜萎

連翹赤小豈湯 治小兒傷寒發熱身黃

麻黃

連翹

甘草

生薑

赤小豈

生梓白皮各二

杏仁四十

大棗十二箇

右咬咀水煎服一方生小麥苗搗汁服之立效

消食丸 治小兒脾胃不和常服寬中快氣消乳食正顏色

砂仁 陳皮 三稜 蓬朮

神麴炒 麥芽炒 香附浸炒 枳殼

檳榔 烏梅各半 丁香二錢

右為末麴糊丸如菘菹大食後紫蘇湯下二三十九丸

茯苓滲濕湯 治小兒黃疸寒熱嘔吐而渴欲飲水身體

面自俱黃小便不利不得安臥不思食飲

茯苓五 澤瀉三 茵陳六 猪苓

黃芩 黃連 山梔 防己

白朮 蒼朮 陳皮 青皮

枳殼各二

右咬咀水煎徐徐溫服

丹 治小兒吐瀉黃疸

三稜 蓬朮 青皮 陳皮

神麴 麥芽 黃連 甘草

白朮 茯苓各等

右為末溫水調服若傷乳食吐瀉加山查時氣吐瀉加

滑石發熱加薄荷

揸法 瓜蒂散 治小兒忽發心滿堅硬脚手心熱變為黃疸不

急治則殺人

瓜蒂七 赤小豆七 秫米七

右為末用三字吹兩鼻內令黃水出餘末盡水調服之

得吐出黃水即愈一方瓜蒂一兩赤小豆四兩為末每

服一錢溫水調服藥下即臥當吐清黃汁為效虛者不

管服

腹痛

**湯** 小兒腹痛曲腰乾哭無淚面青白唇黑肢冷為盤腸內  
引凡有此證急煎蔥湯淋洗其腹揉之蔥慰臍腹間良久  
尿自痛中出其疼立止續次服藥

乳香

沒藥各少許透

右件木香一塊於乳鉢內磨水十分滾數沸調乳洗  
此藥只一服效

**錢** 鈎藤膏治小兒腹中極痛乾嘔後復名盤腸內中

乳香

沒藥

木香

薑黃各四

木鱉子仁二箇

右先將後三味同為細末次研入上一二味煉蜜和成劑  
收貯每下歲兒可服半皂子大餘以意加減前鈎藤湯

化下無時次用魏香散

魏香散

蓬木兩半

阿魏錢一

右先用溫水化阿魏浸蓬木一晝夜焙乾為細末每服  
一字或半錢前紫蘇米飲空心調下

**無** 蒜乳丸治冷證腹痛夜啼

大蒜

一稜慢火煨

乳香另研五分

右研為丸如芥菜子大每服七粒乳汁送下

右四方治寒腹痛屬盤腸內引其候曲腰乾哭是也

**錢** 胃虛冷面觥白色腹痛不思食當補脾益黃散主之若

不下利者調中丸主之益黃散治下利而痛也  
調中丸治不利而痛也

調中丸

白朮

人參

甘草炒各半兩

乾薑炮四錢

右為細末蜜丸如菉豆大每服五七丸至十五丸食前

不思飲食者為胃弱

黃乾者為內帶

溫水下海藏云仲景理中例也

當歸散凡小兒夜啼者臍寒而腹痛面青手冷不吐乳是也宜此方服之效

當歸頭去蘆

白芍藥

人參各一

甘草各五

桔梗

陳皮各一

右咬咀前五分時時少服愈

右三方治寒腹痛屬胃虛其候不思食是也

面赤唇焦便黃為熱痛

熱痛亦啼叫不止夜發面赤唇焦小便赤黃與三黃丸入參湯下三黃丸方見治發熱去

丹腹痛夜啼服牛黃如豆大乳化喫之於臍下書田字立安聖惠方

面黃白大便酸臭為積痛

鐵積痛口中氣溫面黃白目無精光或白睛多及多睡畏食或大便酸臭者當磨積宜消積丸其者白餅子下之後

和胃用白木散消積丸白餅子方見癖白木散方見消渴

丹食積腹痛硬必用紫蘇蘿蔔子之類

世小兒好喫粽成肚痛用黃連白酒藥等分為丸服

湯三稜散治積氣肚痛

砂仁

甘草

益智炒去

三稜

蓬朮

青皮炒各

為末白湯點下

虫痛面眺白心腹痛口中沫及清水出發痛有時安虫散主之小兒本怯者多此病田氏云虫痛啼哭倦仰坐臥不正色或青或黃唇白又目無精色口吐涎沫此為虫痛

安虫散治小兒虫痛

胡粉炒

鶴虱炒

川練子去皮

白礬銹

右為細末每服一字大者五分米飲調下痛時服

湯治虫動痛極不可忍用乾漆半兩檳榔一枚生用窰老

一塊再煨細研三件一處為末空心熱酒調良及取下虫  
立愈崔老野中○又方用乾漆一兩搗碎炒令烟盡  
出用新汲水入生麻油空心調下

錢安虫丸治上中二焦虛或胃寒虫動及痛

乾漆炒烟盡 雄黃分 巴豆霜 錢

右為細末糊丸如黍米大量兒太小服之取東引石榴  
根煎湯下或苦練根或蕪荑湯下五七丸至二三十九

發時服

蕪荑散主治同前凡小兒痛時便高聲啼口中上鼻頭  
唇口一時黑色脈法當沉弱而弦冷反脈大是虫症也

白蕪荑 乾漆炒各

右為細末每服一字或五分或一錢米飲調下發時服

丹蛔虫用練樹根為君佐以二陳湯煎下

診

錢積痛食痛虛痛大同小異惟虫痛者當口淡而沫自出  
治之隨其症用藥虫與癩相似小兒本怯故胃虛冷則虫  
動而心痛與癩相似但目不斜手不搖也安虫散主之  
辛氏女子五歲病虫痛諸醫以巴豆乾漆礪砂之屬治之  
不效至五印外多哭而倦仰睡臥不安自按心腹時大叫  
面無正色或青或黃或白或黑目無光而慢唇白吐沫至  
六日胸高而臥轉不安召錢至錢詳視之用蕪荑散三服  
見目不除青色大驚曰此病大困若更加瀉則為逆矣至  
次日辛見錢曰夜來三更果瀉錢於瀉盆中看如藥汁以  
杖攪之見有元藥錢曰此子肌厚當氣實今證反虛不可  
治也辛曰何以然錢曰脾虛胃冷則虫動而今反目青此  
肝乘脾又更加瀉知其氣極虛也而元藥隨瀉下即脾胃  
已脫兼形病不相應故知死病後五日昏篤七日而死

鴛口

胎熱

巢氏病源鴛口候者小兒初生口裏白屑滿舌上如鴛口故曰鴛口此乃胎熱而心脾最盛重發於口也治用髮纏指頭蘸井花水搽拭之睡時黃丹煨出火氣摻於舌上葛氏如用前法其舌上白屑不脫可煮栗米皮如用井花水綿纏指頭拭之若春夏無栗米皮可用井花水法小兒初出腹有連舌下有膜如石榴子者中隔連其舌下後令兒言語不發舌不轉也可以瓜甲摘斷之微有血出無害若血出不止燒髮灰傅之即止

口噤

風痰為口噤

田大人小兒口噤不開牙關緊者諸藥勿效天南星木下錢腦子少許相和研勻用指蘸生薑自然汁蘸藥於左右大牙根上擦之立開

丹初生口噤不開不收乳用赤脚蜈蚣去足炙末猪乳汁調下五分三四服愈

聖小兒生下七日口噤半黃此少竹瀝調下二字以猪乳滴口中口噤搗鼻法用鬱金菘蘆瓜蒂為末水調搗之

滯頤口角垂涎是也

寒熱

肅清心導痰丸治舌縱涎下方見大人門曾用甚妙

湯小兒滯頤者多涎流出積於頤上此由脾胃冷涎多故也脾之液為涎緣脾胃虛冷不能制其津液故流出於頤法當溫脾按內經云舌縱涎下皆屬熱此恐湯氏之偏見今兩存之以備參攷

張煥溫脾丹 治滯頤效  
白朮 青皮各半 半夏 麩 丁香各一

乾薑炮半  
右為細末糊丸如黍米大二歲兒十九二歲二十九米

飲下

脾

臍風撮口

錢小兒洗浴拭臍不乾風入作瘡令兒撮口其者是胃虛氣不和口頻撮調氣益黃散主之

赤脚金頭蜈蚣一條

蝎稍尾

僵蚕七條

瞿麥五分

右為末先以鴛毛管吹豆火入鼻內噴噴啼吐可醫更

用薄荷湯下

雜方

栢墨散治斷臍後為水濕所傷或襁褓濕氣傷於臍中或解脫風冷所乘致令小兒四肢不和臍腫多啼不能乳哺宜速療之

黃栢

金下墨

亂髮燒各五分

右為細末每用少許傳之

丹臍風濕鹽二兩豉二合杵成餅子如錢炙熱熨臍上安

又以黃栢末傳之

姚小兒臍腫桂心炙熱熨之日四五

秘臍風瘡用年久東壁泥研傳之

聖臍風久者成瘡不乾伏龍肝傳之 又馬齒莧燒葉末

傳之千金

子母治小兒臍赤腫杏仁杵如脂傳臍腫上

聖治小兒臍中汁出不止并赤腫用粘白礬研細傳之

世治嬰兒因剪臍傷外風致瘡不乾用白礬煨白龍骨各

等分同為末每用少許傳之 又方綿燒灰研細每少許

乾摻之

丹撮白夜合花枝黃汁拭口并洗愈

田撮口治法用白殭蚕為末蜜調塗兒穀道又牛黃一錢

竹瀝一合時時抹口中即瘥

無小兒初生一七日內忽患臍風撮口百無一效坐視其死良可憫也有一法世罕知者凡患此證看兒齒齦上有小泡子如粟米狀以溫水蘸熟帛裹指輕擦破即開口便安不藥神效

針灸

小兒初生臍風撮口諸藥不效者灸然谷穴在內踝前起大骨下陷中可灸三壯鍼入三分不宜見血立效

甲臍風目上插刺絲竹空

明臍腫腰對臍骨節間

世臍風撮口在百日內不治

醫學綱目卷之三十八終



